


功重  
醫西  
方集  
解

卷 下 之 終

殺 虫 之 劑  
明 目 之 劑  
癰 瘍 之 劑  
經 產 之 劑  
救 急 良 方  
勿 藥 玄 詮

武 9  
合 1  
6 止



111  
山

醫方集解卷下之五

殺蟲之劑 關尹子曰人之一身內包蟻蚋外蒸蟻虱萬物  
為人所常有之蟲倘寒侵火迫則不安其位亦能為病若  
飲食不慎血氣虛衰又能變生諸蟲不可名狀如髮如蠶  
類勞瘵傳尸之類至干殺身城門蟲之為患若斯其惡也  
是以先賢以法殺之苟人不能殺蟲則蟲必且殺人矣

烏梅丸

治傷寒厥陰症寒厥吐衄

傷寒厥陰者死厥陰者  
脈微而厥至七八日

冷發難無暫安時也厥者或上入膈則煩須臾復止得食  
則嘔而久煩或聞食其復出也此為藏寒當自吐衄與烏梅  
丸溫之亦治胃府發咳咳而嘔嘔甚則長蟲出亦主久痢

烏梅三百 細辛 桂枝 人參 附子 黃柏 黃連 乾

薑 十川椒 干薑 附子 苦酒 枳實 芍藥 一兩 去枝蒸熟和藥

武  
141  
6 山

醫方集解卷下之五

殺蟲之劑

關尹子曰人之身內包蟻蚋外蒸蟣虱萬物有依入身以為生者是吾身一小天地也蟣蚋為人所常有之蟲倘寒侵火迫則不安其位亦能為病若飲食不慎血氣虛衰又能變生諸蟲不可名狀如髮癢蟻瘰勞瘵傳尸之類至于殺身滅門蟲之為患若斯其酷也是以先賢以法殺之苟人不能殺蟲則蟲必且殺入矣

烏梅丸

仲景 治傷寒厥陰症寒厥吐蚘 傷寒藏厥者死藏厥者冷發躁無暫安時也蚘厥者蚘上入膈則煩須臾復止得食則嘔而又煩蚘聞食臭復出也此為藏寒當自吐蚘與烏梅丸溫藏 亦治胃府發咳咳而嘔嘔甚則長蟲出亦主久痢

烏梅 三百箇 細辛 桂枝 人參 附子 炮 黃柏 六兩 黃連 一斤 乾

薑 十兩 川椒 去汗 當歸 四兩 苦酒 醋也 浸烏梅一宿去核蒸熟和藥

醫方集解 卷下

烏梅丸



蜜丸

此足陽明厥陰藥也。虻得酸則伏，故以烏梅之酸伏之。虻得苦則安，故以連柏之苦安之。虻因寒而動，故以桂附薑椒溫其中。藏而以細辛當歸潤其腎肝，人參用以助脾，烏梅兼以斂肺。吐虻為胃寒之故，則成虻厥，宜理中湯加炒川椒五粒，檳榔五分，吞烏梅丸。程郊倩曰：烏梅丸于辛酸入肝藥中，微加苦寒，納上逆之陽邪，而順之，使下也。名曰安虻，實是安胃，故併主久利。見陰陽不相順接，而下利之症，皆可以此方括之也。○經曰：凡陰陽不相順接，便為厥。方時行，曰經曰手之三陰，從腹走手；手之三陽，從手走頭；足之三陽，從頭走足；足之三陰，從足走腹。是三陰三陽俱相接于手足者也。陽氣內陷，不與陰氣相順接，故手足逆冷也。

集効丸

因

治蟲嚙腹痛作止有時或耕起往來

腹痛有作止者，虫嚙則痛。

虫痛

不嚙則止也。氣耕往來者，虫不安于胃也。

大黃炒兩半 鶴虱炒 檳榔 訶子皮 蕪荑炒 木香 乾薑炒

附子七錢五分 蜜丸食前烏梅湯下 婦人醋湯下

此手足陽明藥也。虫喜溫惡酸而畏苦，故用薑附之熱以溫之，烏梅訶皮之酸以伏之，大黃檳榔蕪荑鶴虱之苦以殺之，木香辛溫以順其氣也。

虫痛

雄檳丸 治腹痛胃痛乾痛有時

乾痛者不吐不瀉而但痛也，有時者淡食而飢則痛，厚味

而飽則否，此為虫也。

雄黃 檳榔 白礬 等分飯丸每五分食遠服

此手足陽明藥也雄黃之辛毒檳榔之苦降白礬之酸瀉皆殺虫之品也故合用以治之

腸胃諸虫

化蟲丸

治腸胃諸蟲為患

腸胃之中無物不容所以變生諸虫者緣正氣虛衰或悞食生虫之物或濕熱蒸鬱而成亦猶物必先腐而後虫生之義也

鶴虱 胡粉 苦棟根

東引未出土者

檳榔

一兩

蕪荑

使君子

礬

一錢五分

為末亦可麵糊作丸量入大小服之一歲兒可五分

分

此手足陽明藥也數藥皆殺虫之品也卑用尚可治之類萃為丸而虫焉有不死者乎

吳鶴臯曰古方殺虫如雷丸貫眾乾漆蠟塵百部鉛灰之類皆具所

常用者也有加附子乾薑者壯正氣也加苦參黃連者虫得苦而伏也加烏梅訶子者虫得酸而軟也加藜蘆瓜蒂者欲其帶虫吐出也加芫花黑丑者欲其帶虫瀉下也用雄黃川椒蛇床樟腦水銀檳榔者治瘡疥之虫也用胡桐淚葭蓉子韭子蟾酥者治齧齒之虫也用川槿皮海桐皮者治風癬之虫也用青箱子覆盆葉者治九竅蠹蝕之虫也用敗鼓心桃符板虎糞骨死人枕懶瓜鶴骨者驅勞瘵之虫也

虫積

使君子丸

治蠱脹腹痛及食勞發黃喜食茶米炭土等物

食

停滯濕熱蒸鬱則生諸虫至脹滿噉痛或發黃身腫喜食生米茶葉土炭者虫之所嗜也

使君子

去殼二兩

南星

薑製

檳榔

一兩

右藥合炒如喜食生米用麥

芽一斤炒喜食茶葉用茶葉炒喜食炭土用炭土炒取藥為末蜜丸每晨砂糖水下

此手足陽明藥也使君子之甘南星之毒枳櫛之苦皆能殺  
虫炒以諸物因其所嗜引以砂糖誘之以甘也

傳尸勞

懶肝丸

肝

治鬼疰傳尸勞瘵

此五疰之一其症使人寒熱沈沈默默不知所苦而無處不惡

死後傳尸入乃至滅門

懶肝

一具須從懶身取下不爾多偽

陰乾為末水服三錢日三

此三陰藥也吳鶴臯曰懶肝治鬼疰此何以故凡物惡人而僻處晝伏而夜出者皆陰類也故假之以治陰疾獨用其肝者肝為厥陰藏魂之藏也昂按物之惡人僻處晝伏夜出者皆有其葉數惟懶肝一月一葉其間又有退一葉獨異于他獸此其所以能治鬼疰也歟

消渴有虫

消渴殺虫方

夷堅志

治消渴有虫

苦棟根 取新白皮一握切焙入麝香少許煎空心服雖困頓不妨取下虫三四條類虵而色紅其渴乃止  
此陽明藥也消渴一症有虫耗其精液而成者益飲醇食炙積成胃熱濕熱生虫理固有之臨病宜諦審也

醫方集解卷下之六

明目之劑

目之在入特五官之一耳而古人立有專科蓋  
 藏六府之精氣皆上注于目而為之精精之窠為眼骨之  
 精為瞳子筋之精為黑眼血之精為絡氣之精為白眼肉  
 之精為約束裹頰筋骨氣血之精而與脈并為系上屬于  
 腦後出于項中此則眼具五藏六府也故其症多而方亦  
 廣茲集限于篇章故畧錄專治目疾者數方以備採用其  
 疏風燥濕瀉火養血之劑可以通用者則散見于各門○  
 目有五輪白睛為氣輪屬肺金故獨堅青睛為風輪屬肝  
 木內包膏汁涵養瞳神目角大小皆為血輪木皆屬心君  
 火木皆赤者為實火小皆屬心包相火小皆赤者為虛火  
 兩脾為肉輪屬脾土土藏萬物故包四輪開動為陽為應  
 用閉靜為陰則睡矣目中有神膏此由胆中滲潤精汁積  
 而成者能涵養瞳神有神水先天真氣所化潤澤之水也  
 有神光原于命門通于胆發于心是火之用也有真血肝  
 中升運滋目經絡之血也有真氣目之經絡中往來生用

之氣先天之元陽也。有真精先後天元氣所化精汁起于腎。施于胆。而及瞳神也。目有堅殼數重。真血滋神水。神水包神膏。膏中一點青瑩。乃胆腎所聚之精華。惟此一點鑒照萬物。空濶無窮。為水輪。屬腎水。入之邪正。壽夭貴賤。皆可驗。目而得之。豈非人身之至寶乎。

滋陰升陽

滋陰地黃丸

一名熟地黃丸。東垣。

治血弱氣虛不能養心。心火旺盛。肝

木自實。瞳子散大。視物不清。

肝為心母子。能令母實。故心火旺則肝木作實。肝主風。心主火。

瞳子散大。風火搖動之徵也。水不能制火。則清和之氣乖亂。而精液隨之走散矣。精液走則光華失。故視物不清也。○綱目曰。心脈挾目系。肝脈連目系。手足少陽之脈終于目。外小背風熱。從此道上攻頭目。致偏頭痛腫。瞳子散大。視物昏花。血虛陰弱。故也。宜涼血養血。收火散火。而除風熱。

熟地黃

一方兩半。一方七錢半。

柴胡

八錢

黃芩

酒炒

當歸

酒洗

五錢。天

門冬

地骨皮

五味子

黃連

酒炒。三錢。

人參

甘草

炙。

枳殼

麩炒。二錢。

蜜丸。茶清下。日二服。忌食辛熱之物。助火寒冷之物。損胃使藥不上行。

此手足少陰足厥陰少陽藥也。熟地當歸養血。生地地骨涼

血。黃芩瀉肺火。黃連瀉肝火。天冬清肺。而滋腎。柴胡散肝。而

升陽。五味收耗。而斂散。人參甘草以益氣。補中。枳殼以利氣

行滯也。本草云。枳實枳殼皆能明目。故目疾方多用之。

加減駐景丸

易簡。

治肝腎氣虛。兩目昏暗。

目為肝竅。瞳子神光。屬腎。故肝腎虛。則目

昏暗也。

補肝腎

加減駐景丸

易簡。

治肝腎氣虛。兩目昏暗。

目為肝竅。瞳子神光。屬腎。故肝腎虛。則目

昏暗也。



枸杞子 五味子 車前子炒二兩 楮實 川椒炒一兩 熟地黃

當歸五兩 菟絲子八兩 蜜丸酒下本方除當歸五味楮實

川椒名駐景丸治同

此足少陰厥陰藥也熟地枸杞補肝滋腎菟絲楮實益精強

陰五味歛耗散而助金水五味子酸鹹居多能歛肺 當歸和

氣血而益肝脾肝藏血脾統血 川椒補火以逐下焦虛寒車

前利水而瀉肝腎邪熱也車前子清肝明目利小便而不走

子和日目赤腫是厥陰肝經氣得此瀉邪則補藥更為得力張

風熱利小便能去肝經風熱其有水不能遠視責其

不能遠視

定志丸局方

治目不能遠視能近視者

王海藏曰目能近視責其

無火法宜補心 常服益心強志能療健忘

遠志 菖蒲二人 茯苓一兩 蜜丸硃砂為衣張子和方

無菖蒲加茯神柏子仁酸棗仁亦名定志丸酒糊丸薑湯下

安魂定驚

此手少陰藥也人參補心氣菖蒲開心竅茯苓能交心氣于

腎遠志能通腎氣于心朱砂色赤清肝鎮心心屬離火火旺

則光能及遠也

地芝丸東垣 治目能遠視不能近視王海藏曰目能遠視責其

不能近視

法當補腎

生地黄

焙

天冬

四兩

枳殼

炒

甘菊花

去皮二兩

蜜丸茶清或酒下

用茶者欲火熱之下降用酒者欲藥力之上行

此足少陰藥也生地黄涼血生血天冬潤肺滋腎枳殼寬腸去滯甘菊降火除風

內障

人參益胃湯

治勞役飲食不節內障目病

內障者睛裏昏暗與不病之眼無異

唯瞳人內有隱隱青白者李東垣曰五藏六府之精氣皆稟受于脾胃而上貫于目脾者諸陰之首也目者血氣之宗也故脾虛則五藏之精氣皆失所司不能歸明于目矣心者君火也主神宜靜而安相火代行其令相火者胞絡也主百脉皆榮于目既勞役運動勢乃妄行及因邪氣所并而損其血脉故諸病生焉醫者不理脾胃及養血安神治標不治本不明正理也

黃耆

人參

一兩

甘草

炙八錢

白芍藥

炒

黃柏

酒炒四兩

蔓荊子

二錢

每四錢日二服本方加升麻葛根名益氣聰明湯

別見補門

此足太陰陽明藥也參耆甘草大補中氣以強脾胃蔓荊子

清陽而通九竅白芍入厥陰而和榮血

目得血而能視

黃柏除濕熱

而滋腎水

腎水足則目明

使精氣足而清陽升則藏府和而障翳退

婁全善曰治目不明氣虛而未脫可于參耆中微加連柏若氣已脫連柏等涼劑不可施矣

消風養血湯

治目赤腫痛

風熱傷血則赤風熱作實則腫風熱攻注則痛○目外向面者為外

背在內近鼻者為內背在上為外背在下為內背目痛赤脈從上下者為太陽症宜溫之散之從下上者為陽明症宜寒之下之從外走內者為少陽症宜和解之

陽症赤腫

荆芥 蔓荆子 菊花 白芷 麻黃 防風 桃仁去皮

紅花酒炒 川芎五分 當歸酒洗 白芍酒炒 草決明 石決明 甘草一錢

此足太陽厥陰藥也。荆芥防風麻黃白芷甘菊蔓荆輕浮上升並能消風散熱。桃仁紅花川芎歸芍辛散酸收並能養血去瘀。兩決明皆除肝經風熱。專治目疾。瘀去血活則腫消風散熱除則痛止。又目為肝竅。搜風養血皆以和肝。加甘草者亦以緩肝而止痛也。保命集云目病在府則為表當除風散熱在藏則為裏當養血安神。暴發者為表易療久病者在裏難治。

表病兼裏

洗肝散局方

治風毒上攻暴作赤腫目痛難開隱澹眵淚凡目赤腫

或太府秘脈實有力者為有裏證宜微利之。瀉青丸洗肝散之類是也。眩音鳴眼脂。

薄荷 羌活 防風 當歸 川芎 梔子 大黃 炙甘草

草 等分為末每服二錢無裏症者除梔子大黃

此足厥陰陽明藥也。肝屬木而主目。木喜條達。風熱鬱于內。故用薄荷羌活以升之。散之。肝藏血。故用當歸川芎以和之。養之。大黃瀉胃火而通燥結。梔子降心火而利小便。二便利則熱毒下降而赤腫消。甘草緩肝氣而和中州。

陰症目痛

補肝散局方

治肝虛目痛筋脈疼痛冷淚不止羞明怕日及夜則痛甚。點苦寒之藥反劇者。日白珠屬陽白珠痛者則晝甚。黑珠屬陰黑珠痛者則夜甚。

夏枯草<sup>五錢</sup> 香附<sup>一兩</sup> 每服五錢臘茶下丹溪方夏枯草香附各二兩加甘草五錢

此足厥陰藥也夏枯草遇夏至陰生則枯蓋稟純陽之氣有補養厥陰血脉之功夜痛及用苦寒藥反甚者夜與寒皆陰也夏枯草能治之者陽勝陰也香附行氣散肝和中解鬱推陳致新故用以爲佐

風熱障翳

揆雲退翳丸 皇統間醫官劉昌世傳

治風熱障翳 翳膜有氣血虛實或夾痰挾濕陰虛火動

當歸<sup>兩半</sup> 川芎 地骨皮 白蒺藜 蜜蒙花 甘菊花 羌

活 荆芥 木賊<sup>一兩</sup> 天花粉 蔓荆子 薄荷 枳實 甘

草<sup>炙五錢</sup> 川椒<sup>七錢五分</sup> 黃連 蛇蛻 蟬蛻<sup>三錢</sup> 蜜丸每兩作十

丸每服一丸日三翳者米泔下睛暗當歸湯下內障木香湯下

此足太陽厥陰藥也羌活荆芥蔓荆薄荷以升陽散風當歸川芎以和肝養血黃連地骨花粉清火熱枳實破滯氣川椒溫下焦木賊蛇蛻蟬蛻以退翳蜜蒙蒺藜甘菊目家翳藥以潤肝補腎瀉火清金炙草補中以和諸藥也

石膏羌活散<sup>宜</sup> 治久患雙目不明遠年近日內外氣障風昏

一切目疾

拳毛倒睫一切眼疾

羌活 荆芥 白芷 藁本 細辛 川芎 蒼朮 甘菊

蜜蒙花 萊子 麻子 木賊 黃芩 石膏 甘草

等分為末每服一二錢食後臨臥蜜水調下或茶清米泔亦得

此足太陽陽明厥陰藥也原文曰羌活治腦熱頭風藁本治正偏頭痛白芷清頭目川芎療頭風荆芥治目中生瘡蜜蒙治羞明怕日蒼朮明目煖水藏木賊退障翳麻子起拳毛細辛萊子起倒睫黃芩石膏洗心退熱甘菊降火除風甘草調

和諸藥

倒睫拳毛

防風飲子 治倒睫拳毛

倒睫拳毛由目急皮縮之故也蓋伏邪使眼皮緩則眼毛立出

邪使眼皮緩則眼毛立出

黃連炒 甘草炙 人參一錢 當歸半錢 葛根 防風五分 細辛 蔓荆

子三分 食後服避風寒濕熱

此足太陰陽明藥也參甘以補其氣歸身以濡其血黃連以清其火防葛以散其風熱細辛入少陰而潤腎蔓荆走頭面而升陽

本方除人參當歸黃連加黃耆名神効明目湯東垣治前症兼

赤爛昏痛冷淚多眵

又法摘去拳毛以風血點數次即愈

內障

羊肝丸

類

治目疾內障

倪仲賢曰經曰心者五藏之專精目者其竅也又為肝竅腎主骨骨之精

為神水故肝木不平內挾心火為勢妄行火炎不制神水受傷上為內障此五藏病也諸脈皆屬于目相火者心包絡也主百脈上榮于目火盛則百脈沸騰上為內障此虛陽病也膀胱小腸三焦胆脈俱循于目其精氣亦上注為目之精四府一衰則精氣盡敗邪火乘之上為內障此六府病也神水黑眼皆法于陰白眼赤脈皆法于陽陰齊陽侔故能為視陰微不左陽盛即淫經曰壯火食氣壯火散氣上為內障此弱陰病也四者皆為陰弱不能配陽也

夜明砂

淘淨

蟬蛻

木賊

去節

當歸

一兩

羊肝

四兩煮

以羊肝

或生用

去筋膜水煮搗爛和丸

此足厥陰藥也蚊食血之虫夜明砂皆蚊眼也故能散目中

惡血而明目

蝙蝠食蚊而眼不化其矢為夜明砂

木賊輕揚而善磨木故能平

肝散熱而去障蟬性善蛻故能退翳當歸能入厥陰養血而

和肝用羊肝者羊性屬火取其氣血之屬能補氣血引諸藥

入肝以成功也

羊肝丸之方頗多茲量錄其一二

濟生羊肝丸黃連一兩羯羊肝一具去筋膜生用搗爛和丸

本事方煮爛搗用治肝經有熱目赤睛痛及內障青盲

綱目云但

是目疾及障翳青盲皆治忌猪肉冷水○婁全善曰誠哉河間之言目盲耳聾鼻不聞臭舌不知味手足不能運用者皆由玄府閉塞而神氣出入升降之道路不通利也故先賢治目昏花如羊肝丸用羊肝引黃連等藥入肝解肝中諸鬱益

經曰玄府者汗空也

蔓菁子 蒸為末 酒調服 或加入 藥中 瘡疹入 眼

肝主目，肝鬱解則目之玄府通利而明矣。黃連之類解熱鬱也。椒目之類解濕鬱也。芫蔚之類解氣鬱也。芎歸之類解血鬱也。木賊之類解積鬱也。羌活之類解經鬱也。磁石之類解頭目鬱墜邪氣使下降也。蔓菁下氣通中理亦同也。凡此諸劑皆治氣血鬱結目昏之法。河間之言信不誣矣。至于東垣丹溪用參耆補氣血亦能明者，蓋目主氣血盛則玄府得利出入升降而明，虛則玄府無以出入升降而昏。此則必用參耆四物等劑助氣血運行而明也。

兔矢湯 治瘡疹入眼及昏暗障翳

此足厥陰陽明藥也。兔者明月之精，得金之氣，其矢名明月。砂能解毒殺虫，故能明目，又可兼治勞疳也。

赤痛流淚

二百味草花膏 治目赤流淚或痛或痒晝不能視夜惡燈

光 血熱則目赤，肝熱則多淚，熱微則痒，熱甚則痛，赤腫昏眊，故晝不能視，陽勝故夜惡火光。

羯羊膽 蜂蜜 入蜜膽中蒸熟候乾細研為膏每含少許

或點目中又法臘月入蜜膽中紙籠套住懸屋簷下待霜出掃取點眼

此足少陽厥陰藥也。羊胆苦寒益胆瀉熱，蜂蜜甘潤補中緩肝。曰二百味草花膏者，以羊食百草蜂採百花也。

李時珍曰：肝開竅于目，胆汁減則目暗，目者肝之外候，胆之精華也。故諸胆皆治目疾，點服說云病有內外治各不同。內疾既發非服不除，外疾既成非點不退。內疾始盛渣流不如塞源伐枝不如去根，不服藥而除者未之見也。外障既成如物汚須濯鏡垢須磨，不點而去者未之有也。若內障不服而外點反激其火動其血氣無益反損若外障已成雖服藥不發不長而所結不除。

陽症目疾

當內外夾攻方盡其妙

點眼方丹溪治目中百病屬陽症者

黃連 人乳 浸點或煎點或加朴硝

此足厥陰藥也衍義曰人心主血肝藏血目受血而能視蓋水入于經其血乃成又曰上則為乳汁下則為月水故知乳汁即血也用以點目豈有不相宜者哉昂按加黃連者以清心肝之火也

百點膏東垣治翳遮瞳人如雲氣障隔

黃連二錢以水一碗煎至半碗再入後藥當歸 甘草六分防風八分麩仁去皮尖研三分

外翳

亦同熬滴水不散去渣入蜜少許再煎少時要病人淨心點之點至目微痛為度日五七點使藥力相續故曰百點臨臥點尤妙

此足厥陰藥也黃連瀉火防風散風甘草和中當歸養血麩仁消風散熱益水生光

內障生翳

圓明膏東垣治內障生翳及瞳子散大因勞心過度飲食失節

柴胡 麻黃 黃連 生地五錢歸身三錢甘草 訶子皮濕紙裹煨  
二錢 以水二碗先煮麻黃至一碗去沫入後藥同熬至滴水不散去渣入蜜少許再熬點之



此足少陽厥陰藥也柴胡麻黃發表散邪當歸生地和肝養血黃連清肝火甘草和中州瞳子散大故加訶子以收之也

目 芒塵入

飛絲芒塵入目方

陳墨 濃磨點之

醫方集解卷下之七

瘍音羊

癰瘍之劑

朱丹溪曰癰疽皆因陰陽相滯而生蓋氣陽也血陰也血行脉中氣行脉外相並周流寒與濕搏之則凝滯而行遲為不及熱與火搏之則沸騰而行速為太過氣得邪而鬱津液稠粘為痰為飲積久滲入脉中血為之濁此陰滯于陽也血得邪而鬱隧道阻滯或溢或結積久滲出脉外氣為之亂此陽滯于陰也百病皆由于此不止癰疽而已也內經曰榮氣不從逆于肉理乃生癰腫又曰諸痛癢瘡皆屬心火外科方症至為繁多茲取可通用者量錄數方以備緩急其餘各症各有專方不能多錄若夫瀉熱解毒活血托裏之劑多散見于諸門唯在用者之圓神而已

真人活命飲 治一切癰疽腫毒初起未消者

金銀花

錢三

陳皮

去白

當歸

酒洗錢半

防風

七分

白芷

甘草節

貝母

消癰散 毒

醫方集解

瘍

卷下

真人活命散

八十三

天花粉 乳香一錢 沒藥二味另研 皂角刺五分 穿山甲三片  
蛤粉炒 用好酒煎毒在上飽服在下饒服善飲者多飲酒  
去粉用

以行藥勢忌酸物鐵器酸性收斂凡藥多忌鐵

此足陽明厥陰藥也金銀花散熱解毒癰瘡聖藥故以為君  
 花粉清痰降火白芷除濕祛風並能排膿消腫當歸和陰而  
 活血陳皮燥濕而行氣防風瀉肺疏肝貝母利痰散結甘草  
 化毒和中故以為臣乳香調氣托裏護心能使毒氣外出沒藥  
 散瘀消腫定痛故以為佐穿山甲善走能散皂角刺辛散剽  
 銳皆厥陰陽明正藥能貫穿經絡直達病所而潰壅破堅故

起 癰疽初

以為使加酒者欲其通行週身使無邪不散也此藥當服于未潰之先未成者散已成者潰若已潰後不可服

金銀花酒 治一切癰疽惡瘡不問發在何處或肺癰腸癰初

起便服奇効癰疽之生始于喜怒憂樂之不時飲食居處之陰陽不平而蘊結榮衛凝滯而腐潰輕者起于六府浮達而為癰重者發于五藏沈滯而為疽淺者為癰實者為癰深則為疽矣○發于外者為背疽腦疽眉鬚等疽發于內者為肝癰肺癰腸臍等癰外症易識內症難明太陽經虛從背而出少陽經虛從鬚而出陽明經虛從髭而出督脈經虛從腦而出

金銀花五兩乾者亦可不及生者力速 甘草一兩 水二碗煎一碗再入酒一  
 碗畧煎分三服一日一夜服盡重者日二劑服至大小腸通

利則藥力到外以生者爛搗酒調敷毒四圍

此足太陰陽明藥也金銀花寒能清熱解毒甘能養血補虛為癰瘡聖藥甘草亦扶胃解毒之上劑也

本方用金銀花二兩甘草一兩加黃耆四兩酒一升重湯煮服名回毒金銀花湯治痛瘍色變紫黑者

附忍冬膏金銀花一兩 忍冬藤一兩四月採鮮花搗汁熬膏茶酒任點服養

陰退陽補虛療風尤宜于火熱熾盛之人永無疔疽之患甯酒亦佳花葉同功而花香尤勝

托裏護心

蠟礬丸李

治一切瘡癰惡毒先服此丸護膜托裏使毒不攻

心或為毒虫蛇犬所傷並宜服之

黃蠟二兩白礬一兩先將蠟溶化候少冷入礬和勻為丸酒下

每服十丸二十丸漸加至百丸則有力瘡愈後服之亦佳加雄黃名雄礬丸治蠱毒蛇犬虫咬毒

此手少陰藥也心為君主不易受邪凡患癰疽及蛇犬所傷毒上攻心則命立傾矣黃蠟甘溫白礬酸澁並能固膜護心解毒定痛托裏排膿使毒氣不致內攻故為患諸症者所必用也

托裏內消

托裏散 治一切惡瘡發背疔疽便毒始發脉弦洪實數腫甚

醫方集解

瘍

卷下

蠟礬丸

托裏散

八十五

欲作膿者

脈弦洪實數乃實熱  
壅滿之症故宜下之

金銀花

當歸兩 大黃

朴硝

花粉

連翹

牡蠣

皂

角刺三錢 黃芩

赤芍一錢

每五錢半酒半水煎

此足陽明厥陰藥也金銀花清熱解毒瘡癰主藥當歸赤芍  
調榮血大黃芩硝蕩胃熱黃芩清肺火牡蠣軟堅痰連翹花  
粉散結排膿角刺鋒銳直達病所而潰散之也李東垣曰瘡  
赤雖伏火熱禁不得攻裏為陽氣怫鬱邪氣在經宜發表以  
去之故曰火鬱則發之雖大便數日不見宜多攻其表以發  
散陽氣少加潤燥藥以潤之如見風麻風症只宜發表風藥  
便可以通利大便若止乾燥秘澇尤宜潤之慎不可下九竅  
不利瘡瘍鬱目皆不可下汗之則愈細目日大便秘實不知  
其氣不降也便以為實而行大黃些少寒熱不知其血氣不

少陽陽  
明經毒

救苦勝靈丹方

一名救苦化  
堅湯東垣

治瘰癧馬力挾瘻從耳下或耳

後下頸至肩或入缺盆中乃手足少陽經分其瘰癧在頸下

或至頰車乃足陽明經分受心脾之邪而作也今將三症合

而治之

一切雜病皆有六經  
所見之症外科亦然

黃耆

護皮毛實元氣活  
血生血瘡家聖藥

連翹

能散諸經血凝氣聚  
二經瘡藥中不可無也

漏蘆

升麻

各一錢

葛根

五分此三味足  
陽明本經藥也

丹皮

去腸胃中  
留滯宿血

當歸

生地

熟地

此三味和血  
涼血生血

白芍藥

各三分酸寒能補中益肺治腹  
痛必用之夏月倍之冬寒則不

可防風五分 羌活

獨活

一錢此三味必關手足太陽症脊痛  
項強腰似折項攸拔者用之防風辛

醫方集解

瘡

卷四

救苦勝靈丹

八十六

溫若瘡在膈已上雖無太陽症亦當用柴胡八分功同連翹如瘡不在少陽經去鼠粘子解毒無腫不用人參各三分補肺氣如氣短不調反喘者加之甘草炙五分能調中

和諸藥瀉火益肉桂二分能散結積陰症瘡瘍當少用之此寒因熱用之意又為陰寒覆蓋其瘡用胃氣亦去瘡邪

大辛熱以消浮凍黃連以治煩悶黃柏炒各三分如右熱或腿脚之氣煩躁者去之昆布二分鹹能軟堅瘡堅硬者可用三稜煨二分莪朮煨三分

者腎中伏火也更宜加之無此勿用

二味瘡堅甚者益智二分唾多者胃不和也病用之不堅勿用厚朴一錢二分腹脹急兼消神麩炒能化食厚朴加之一錢二分腹脹食補胃蒸餅為丸每服三錢如氣不順加陳皮木香大便不通加酒製大黃血燥加桃

仁大黃風燥加麻仁大黃秦艽皂角子煨用此足陽明手足少陽藥也解煎東垣註各藥下東垣立此法以聽用者之進退倘能隨症加減實能統治諸瘍亦嘉惠後

人無窮之心也散腫潰堅湯東垣治同前症

黃芩八錢半酒炒半生用知母 黃柏酒炒胆草酒炒花粉酒洗桔梗 昆布

五錢柴胡四錢升麻 連翹 甘草炙三稜酒洗廣迷酒洗葛根 歸尾酒洗芍藥二錢黃連一錢每服六七錢先浸半日煎食後熱服服後仰臥取藥在上膈另將半料蜜丸留藥湯吞之量

虛實服

消堅散

散腫潰堅湯

治同前症

散腫潰堅湯

此手足少陽足陽明藥也柴胡連翹清熱散結升麻葛根解毒升陽花粉桔梗清肺排膿歸尾芍藥潤肝活血甘草和中化毒昆布散痰潰堅三稜莪破血行氣三稜破血中之氣廣莪破氣中之血黃芩柏連龍胆知母大瀉三焦之火而桔梗又能載諸藥而上行也

以毒攻毒

飛龍奪命丹 治一切疔腫癰疽惡瘡初發或發而黑陷毒氣內攻者

天南星 雄黃 巴豆去油 黃丹 乳香 硃砂 信石五分  
斑猫十六箇去頭足炒 麝香少 為末蟾酥和為丸如黍米大每服

十丸或十四五丸量入虛實好酒送下瘡在上者食後服瘡在下者食前服忌油膩魚肉葷辛之物

此十二經通行之藥也毒氣內攻瘡瘍黑陷非平劑所能勝南星雄黃黃丹味辛性燥能殺毒破痰巴豆硃砂大毒大熱能祛寒化積斑猫蟾酥辛寒至毒能拔疔腫下惡物斑猫能瀉毒從大便出信石燥烈劫痰麝香香竄通竅乳香能使毒氣外出致不致攻引之以酒使行經絡無毒不瀉也此乃厲劑所謂藥不瞑眩厥疾不瘳此類是也玉機微義曰此方世俗多用之然香竄燥毒之劑益無經不至者備汗吐下三法病因食一切禽獸毒發及瘡脉沈細緊數毒蘊在裏併濕毒用之神效若大熱大

渴毒氣燄發脉浮洪在表及膏梁積熱之人不宜輕用世人多不分此又有以半夏代雄黃者殊不知雄黃治諸瘡及百節中大風中惡者之意也

纏喉風

雄黃解毒丸

治纏喉急痺

咽在後主食喉在前主氣十二經中唯足太陽主表別下項餘

經皆內循咽喉盡得以病之而統在君相二火喉主天氣屬肺金變動為燥燥則澇而閉咽主地氣屬脾土變動為濕濕則腫而脹皆火鬱上焦致痰涎氣血結聚于咽喉腫達于外麻痺且痛為纏喉風腫于兩旁為喉痺

雄黃一兩

鬱金一錢

巴豆十四粒

醋糊為丸每服五分津嚥下

或用巴豆油蘸紙捻上燃火吹息帶烟刺入喉中出紫血惡涎即寬此以熱攻熱熱則流通之義也

此手足少陰少陽藥也吳鶴臯曰纏喉急痺緩治則死雄黃能破結氣鬱金能散惡血巴豆能下稠涎丹溪生平不用厲

肺癰

劑此益不得已而用者乎

單蛾雙蛾木舌子舌脹纏喉風走馬喉殺入最速張子和曰治喉痺用針出血最為上策內經火鬱發之發謂發汗出血者乃發汗之一端也

皂莢丸

治肺癰欬逆上氣時時唾濁但坐不眠

肺者五藏之華蓋也

處于胸中主氣候在皮毛勞傷血氣腠理虛而風邪乘之內感于肺汗出惡風咳嗽短氣鼻塞項強胸膈脹滿久久不瘥則成肺痿風傷皮毛熱傷血脉風熱相搏氣血稽留蘊結于肺則成肺癰多唾涎沫而無膿者肺痿也口乾喘滿咽燥而渴甚則四肢微腫咳吐膿血胸中隱痛者肺癰也痿為正氣虛癰為邪氣實

皂莢刮去皮

為末蜜丸以棗膏和湯服三丸

此手太陰藥也喻嘉言曰火熱之毒結聚于肺表之裏之溫之清之曾不少應堅而不可攻者令服此丸庶幾無堅不久

醫方集解 癆

雄黃解毒丸 皂莢丸

聿成洗蕩之功不可以藥之微賤而少之也

千金方用桂枝湯去芍藥加皂角名桂枝去芍藥加皂角湯

治肺痿吐沫本方加蛤粉等分為末名皂蛤丸治婦人風邪

客于乳房而成妳癰每服二錢酒下此藥能導其汗散其風邪汗出而病自愈矣

托裏十補散局方即外科精要十宜散治癰瘡初發或已發邪高痛下瘡

盛形羸脉無力者若癰疽不因膏梁丹毒火熱因虛勞氣鬱者止宜補形氣調經脉自當消散不待汗

乏下乏也

黃耆 人參 當歸 二川芎 桂心 白芷 防風 厚朴

桔梗 甘草一錢 每服二錢加至六錢熱酒調下本方加

芍藥連翹木香乳香沒藥亦名托裏散治發背疔瘡

此手足太陰足厥陰陽明藥也參耆補氣芎歸活血甘草解

毒桂枝白芷桔梗排膿厚朴瀉實滿防風散風邪為表裏氣

血之藥共成助陽內托之功也朱丹溪曰若冬月腫瘍用之可轉重就輕若潰瘍夏月用

之以桂朴之溫散佐以防風白芷吾恐雖有參耆難為倚仗

世人不分冬夏無論經絡不能無悞也機要曰治瘡須明托

裏疎通藏府調和榮衛三法內之外者其脉沈實發熱煩躁

外無焮赤痛澁于內其邪深矣當疎通藏府以絕其源外之

內者其脉浮數焮腫在外形症外顯恐邪氣極而內行當先

托裏內外之中者外無焮惡之氣內亦藏府宜通知其在經

當和榮衛用此三者雖未即瘥必無變症

托裏黃耆湯總錄

治諸瘡潰後膿多內虛

潰後膿血出多陰陽兩竭宜大補氣血

潰後補虛

醫方集解

湯

卷一

托裏十補散

托裏黃耆湯



黃耆 人參 當歸 桂心 茯苓 遠志 麥冬 五味子炒 等分每服五錢食遠服

此手足太陰足陽明藥也人參黃耆補氣固衛當歸桂心活血生肌茯苓滲濕健脾麥冬清熱補肺遠志辛散而理癰疽散鬱補精長肌肉助筋骨五味酸溫善收腫大丹溪曰癰疽潰後補氣血理脾胃實為切要否則數月半年之後虛症仍見轉成他病也

寒瘍陷

托裏溫中湯

孫彥和

治瘡瘍為寒變而內陷膿出清解皮膚涼

心下痞滿腸鳴切痛大便微溏食則嘔逆氣短呃逆不得安

臥時發昏憤

此孫彥和治王伯祿臂瘍方也六脈沈微色變膚涼加以呃逆胃中虛寒極矣遂于盛夏用此

大辛熱之劑益捨時從症之變法也

附子

炮四錢

乾薑

炮

羌活

三錢

木香

半錢

茴香

丁香

沉香

益

智仁

陳皮

甘草

炙一錢

加生薑五片煎

此足陽明三陰藥也衛生寶鑑曰經曰寒淫于內治以辛熱佐以苦溫附子乾薑大辛熱溫中外發陽氣自裏之表為君羌活味苦辛溫透關節炙草甘溫補脾胃行經絡通血脈胃寒則嘔吐呃逆不下食益智沈香丁香大辛熱以散寒邪為佐瘡氣內攻聚而為滿木香茴香陳皮辛苦溫治痞散滿為

止痛

使

止痛當歸湯總錄 治腦疽背疽穿潰疼痛

當歸 生地黄 芍藥 黃耆 人參 甘草炙 官桂各一兩

此足陽明厥陰藥也當歸生地活血涼血人參黃耆益氣補中官桂解毒化膿毒化成膿則痛漸止芍藥和脾酸以斂之甘草扶胃甘以緩之則痛自減矣齊德之曰世人皆謂乳沒珍貴之藥可往疼痛不知臨病制宜殊非一端熱痛涼之寒痛溫之風痛除其風濕痛導其濕燥痛潤之塞痛通之虛痛補之實痛瀉之膿鬱而閉者開之惡肉敗潰者引之陰陽不和者調之經絡閉澁者利之不可執一而無權也

生肌散 斂瘡長肉瘡初起者禁用

寒水石煨 滑石二兩 龍骨 海螵蛸一兩 蜜陀僧 枯礬 定粉

即鉛粉 乾胭脂五錢 共為細末搽瘡口上

此陽明藥也陽明主肌肉瘡口不斂蓋因膿水散溢而潰爛也石

膏亦名寒水石李時珍曰唐宋諸方寒水石即石膏 滑石解肌熱龍骨枯礬善收澇

胭脂活血解毒螵蛸陀僧定粉收濕燥膿故能斂瘡而生肉也

又方 檳榔枯礬各一兩 陀僧黃丹血竭各一錢 輕粉五分 亦名生肌

散 張子和方黃連三錢 蜜陀僧五錢 胭脂菉豆粉各二錢 雄黃輕粉各一錢

亦名生肌散治同

止痛當歸湯 生肌散

火攻拔毒

灸法 治一切癰疽惡瘡

凡人初覺發背欲結未結赤腫焮痛以濕紙覆其上先乾處即癰頭也取獨頭大蒜切片安于頭上用艾炙之三壯換一蒜片痛者灸至不痛不痛者灸至痛時方住最要早覺早灸為上若有十數頭者即用蒜研作餅鋪頭上聚艾于餅上燒之若初發赤腫一片中間有黃粟米頭子便用獨蒜片安于頭上着艾灸十四壯或四十九壯使毒氣外出則易愈李迅曰癰疽着灸勝于用藥三壯一易百壯為率但頭頂已上切不可用恐引氣上更生大禍也史源曰有灸至八百壯者約艾一節初壞肉不痛直灸至好肉方痛至夜火焮滿背高阜頭孔百數則毒外出否則內逼五藏而危矣綱目曰精要謂頭上

發毒不得灸此言過矣頭為諸陽所聚艾炷宜小壯數宜少小者如椒粒少者三五壯而已按東垣灸元好問腦疽以大艾炷如兩核許者灸至百壯始覺痛而痊由是推之則頭上發毒灸之痛者艾炷宜小壯數宜少若不痛者艾炷大壯數多亦無妨也

芙蓉外敷法

一切癰疽腫毒用芙蓉花或葉或根皮爛搗或乾研末蜜調塗四圍中間留頭乾則頻換初起者即覺清涼痛止腫消已成者即膿出已潰者則易斂瘍醫秘之名為清涼膏清露散鐵箍散皆此物也或加赤小豆末或蒼耳燒存性為末加入亦妙芙蓉辛平性滑涎粘清肺涼血散熱止痛消腫排膿

醫方集解卷下之八

經產之劑

婦人之病與男子同，惟行經妊娠則不可以例治，故取胎產經帶數方以備採用。諸方男女可通用者，茲不重出。

寒 妊娠傷

表實六合湯

海藏

治妊娠傷寒頭痛身熱無汗，脈緊太陽經病。

四物湯

四兩每味一兩

麻黃

細辛

五錢

此足太陽藥也。凡婦人傷寒六經，治例皆同。有懷妊者，則以安胎為主。藥中有犯胎者，則不可用也。海藏皆以四物為君，養血安胎，餘同傷寒例。分症而治，麻黃細辛發汗解表，故加用之。治表實無汗者。

四物四兩加桂枝地骨皮各七錢名表虛六合湯治妊娠傷寒表虛自汗身熱惡寒頭痛項強脉浮而弱地骨皮涼血故能退熱止汗

四物四兩加防風蒼朮各七錢名風濕六合湯治妊娠傷寒中風濕氣肢節煩痛頭痛身熱脉浮四物四兩加升麻連翹

各七錢名升麻六合湯治妊娠傷寒下後過經不愈濕毒發斑如錦紋者四物四兩加柴胡黃芩各七錢名柴胡六合湯

治妊娠傷寒胸脇滿痛而脉弦少陽經症四物四兩加大黃五錢桃仁十枚麩炒名大黃六合湯治妊娠傷寒太便秘小

便赤氣滿而脉沉數太陽陽明本病也急下之大黃桃仁妊娠所忌然傷

寒間有用之者謂藥病相當也經曰婦人重身毒之何如岐伯曰有故無殞亦無殞也此之謂數四物四兩

加人參五味各五錢名人參六合湯治妊娠傷寒汗下後咳嗽不止四物四兩加厚朴枳實麩炒各五錢名朴實六合湯

治妊娠傷寒後虛痞脹滿陽明本虛者本胃府也四物四兩加梔子黃芩各五錢名梔子六合湯治妊娠傷寒汗下後不得眠

四物四兩加石膏知母各五錢名石膏六合湯治妊娠傷寒大渴而煩脉長而大四物四兩加茯苓澤瀉各五錢名茯苓

六合湯治妊娠傷寒小便不利太陽本病本膀胱府也四物四兩加阿膠艾葉各五錢名膠艾四物湯一方加甘草一方加甘草黃耆乾薑治妊

產

妊娠六合湯

娠傷寒汗下後血漏不止損動胎氣者四物四兩加附子肉

桂各五錢名附子六合湯治妊娠傷寒四肢拘急身涼微汗

腹中痛脉沈遲者少陰病也桂附亦辛熱動胎之藥 四物四

兩加生地大黃酒各五錢名四物大黃湯治妊娠傷寒畜血

症歌曰婦人妊娠若畜血抵當桃仁莫妄施要致母子俱無

損大黃四物對分之吳綬曰產後傷寒不可輕易發汗蓋

有產時傷力發熱有去血過多發熱有惡露不盡發熱有二

日乳蒸發熱或早起勞動飲食停滯一皆發熱狀類傷寒要

須詳辨大抵產後太血空虛若汗之則變筋惕肉瞤或昏迷

不醒或抽搐不定或太便秘閉其害非輕凡有發熱且與四

物湯芎歸為君最多白芍須炒過酒蒸熟地黃佐之加軟苗

柴胡乾薑人參主之最效蓋乾薑辛熱能引血藥入血分氣

藥入氣分且能去惡生新有陽生陰長之道以熱治熱痰合

內經之旨如惡露不盡者益母丸黑神丸必兼用之胃虛食

抵當湯  
桃仁承  
氣湯皆  
治畜血

半產漏  
下

膠艾湯金匱

治婦人漏下或半產後下血不絕或妊娠下血腹

痛為胞阻漏下者懷妊而經來以陽不足謂之激經半產者

四五月而墮胎墮胎必傷其血海血因續下不絕

也亦治損傷衝任月水過多淋瀝不斷此即崩症

阿膠 芎藭 甘草二兩 艾葉 當歸三兩 芍藥四兩 乾地黄原方未註

分水五升酒三升煮取三升內阿膠烱化服一方加乾薑

二兩胡氏治胎動無乾薑嚴氏治胎動經漏腰痛腹滿搶心短氣加黃

耆千金 治從高墜下損傷五藏吐血及金瘡經肉絕者加

乾薑

此足太陰厥陰藥也四物以養其血阿膠以益其陰艾葉以補其陽和以甘草行以酒勢使血能循經養胎則無漏下之患矣

又方阿膠一斤蛤粉炒艾葉數莖亦名膠艾湯良治胎動不安

安腰腹疼痛或胎上搶心去血腹痛指迷方加秦艽婦人受胎一月形如露珠乃太極動而生陽天一生水謂之胚足厥陰脉主之經水即閉飲食稍異二月如桃花瓣乃太極靜而生陰地二生火謂之暉足少陽脉所主若吐逆思食名曰惡阻有孕明矣或偏嗜一物乃一藏之虛如愛酸物乃肝經只能養胎而虛也三月如清鼻涕先成鼻與雌雄二器乃分男女手脈陰相火所主胎最易動四月始受水精以成血脉形像具手

足順成手少陽脉所主五月始受火精筋骨四肢已成毛髮始生足太陰脉所主六月始受金精以成筋口目皆成足陽明脉所主七月始受木精以成骨遊其魄能動左手手太陰脉所主八月始受土精以成皮膚九竅皆成遊其魄能動右手手陽明脉所主九月始受石精百節畢備三轉其身足少陰脉所主十月神氣備足乃生足太陽脉所主惟手少陰太陽無所主者君主之官無為而已胎須防三五月宜服清熱涼血安胎之藥

動 惠胎胎

釣藤湯良方

治惠胎胎動不安惠胎手足抽掣也熱為陽風主動肝風相火為病也

釣藤鈎 當歸 茯神 人參 桔梗 桑寄生 風熱

加黃芩梔子柴胡白朮風痰加半夏南星竹瀝風勝加全蝎僵蚕

此足厥陰藥也釣藤之甘寒以除心熱而散肝風柴胡桔梗

之辛涼黃芩梔子之苦寒以平少陽厥陰之風熱風熱去則  
慙癢止矣人參扶神以益氣而寧神當歸寄生以養血而安  
胎也

子癩

羚羊角散

本事方

治妊娠中風涎潮忽仆目弔口噤角弓反張

名子癩

陰主靜陽主動風陽邪也諸風眩掉皆屬肝木故有搐搦眩冒反張之症

羚羊角

屑一錢

獨活

防風

芍藥

當歸

棗仁

炒 扶神

杏仁

薏仁

五分 木香

甘草

二分半

加薑煎一方有五加皮

此足厥陰藥也羚羊角之辛涼以平肝火防風獨活之辛溫以  
散風邪扶神酸棗以寧神當歸川芎以活血杏仁木香以利

子懸

氣薏仁甘草以調脾也

扶土所以抑木故薏仁亦治筋急拘攣之症

紫蘓飲

治胎氣不和秦上胸腹腹滿頭痛心腹腰脇痛名

子懸

由下焦氣實相火旺盛舉胎而上上通心胸也

蘓葉

一錢

當歸

七分 芍藥

芍藥

人參

陳皮

大腹皮

五分 甘

草

二分

加薑煎空心服心腹痛甚者加木香玄胡索

此手足太陰厥陰藥也陳來章曰芍歸芍藥以和其血蘓橘  
大腹以順其氣氣順血和則胎安矣既利其氣復以人參甘

草養其氣者順則順其邪逆之氣養則養其冲和之氣也

天仙籐散

陳景初

治子氣

婦人衝任素受血風因妊娠而足腫喘悶妨食甚則脚指出黃水病名子

醫方集解

產

卷下

羚羊角散紫蘓飲天仙籐散

九十八



氣非  
水也

天仙籐即青木香  
籐微炒 香附炒 烏藥 陳皮 甘草炙 等分加

紫蘓三葉木瓜生薑各二片空心煎服或為末鹽湯調下日

三

此手足太陰藥也天仙籐之苦溫疏氣活血能解血中之風  
氣香附烏藥陳皮之辛溫以行鬱氣紫蘓生薑之辛溫以疏  
表氣甘草之甘緩以和正氣少加木瓜以除濕熱利筋骨調  
榮衛也

子腫

白水散全

治子腫面目肢體虛附如水狀胎中挾濕水與血  
搏濕氣流溢故令

面目肢體浮腫亦名胎水原因煩渴引飲過多或  
泄瀉損傷脾胃脾虛不能制水五六箇月多有之

白水一錢 薑皮 陳皮 茯苓皮 大腹皮五分 為末米飲下

指迷方有桑白皮無白水此即五  
皮飲 丹溪除薑皮腹皮加川芎

木通補中導水行氣此症有服鯉魚  
湯鯉魚粥者

此足太陽太陰藥也水病當令上下分消薑皮橘皮辛而能  
散使水從毛竅出腹皮苓皮淡而能泄使水從溺竅出水盛  
由于土衰故用白朮之甘溫以扶脾土而隄防之不致泛溢  
也

子煩

竹葉湯 治妊娠心驚胆怯終日煩悶名子煩受胎四五箇月  
相火用事或盛

醫方集解 產 白朮散 竹葉湯

夏君火大行，俱能乘肺，以致煩躁，胎動不安，亦有停痰積飲，滯于胸膈，致令煩躁者。

麥冬錢半 茯苓 黃芩錢一 人參分五 淡竹葉斤十 一方茯苓為君

無人參有防風，一方無人參有防風，知母如有痰者加竹瀝。

此手太陰少陰藥也。竹葉清煩，黃芩消熱，麥冬涼肺。心火乘肺，故煩。

出子 茯苓寧心，人參補虛，妊娠心煩固多虛也。如相火盛者，單知母丸君。

火盛者，單黃連丸，心神不安者，硃砂安神丸，切不可作虛煩用。梔豉等藥治之。

子嗽 紫苑湯良方 治子嗽

紫苑 天冬錢一 桔梗分五 甘草炙 桑白皮 杏仁三分 竹茹二分

入蜜溫服

此手太陰藥也。子嗽由于火邪，當以清火潤肺為務。桔梗、桑皮之涼以瀉之，天冬、竹茹之寒以清之，紫苑、炙草之溫，杏仁、白蜜之澤以潤之也。

子淋

安榮散本事方

治子淋心煩悶亂。子淋，膀胱小腸虛熱也。虛則不能制水，熱則不能通利，故

淋心與小腸相表裏，故煩悶亦有因房勞內傷胞門衝任虛者，宜八珍湯或腎氣丸。

人參 細辛兩一 當歸 甘草 燈草錢五 木通 滑石 麥冬

三錢 為末，每二錢麥冬湯調下。

此手太陰足太陽少陰藥也。陳來章曰：虛熱宜補，故用人參、甘草之甘，淋悶宜通，故用木通、燈草之滲，滑石之滑，肺燥則

天氣不降而麥冬能清之腎燥則地氣不升而細辛能潤之  
經曰地氣上為雲天氣下為雨血燥則溝瀆不濡而當歸能  
上下交陰陽和而後便得通也滋之也

轉胞  
參水飲

治妊娠轉胞  
轉胞者胎逼及胞壓在一邊胞系轉  
弱痰飲壅滯以致之

當歸 熟地黃 芎藭 芍藥 人參 白朮 陳皮 留半

夏 甘州 炙

加薑煎空心服

此即八珍湯而去茯苓  
加陳皮半夏以除痰也

此足太陰厥陰藥也氣虛補以四君血虛補以四物痰飲消  
以二陳使氣得升舉而胞自通也  
宋丹溪曰轉胞之病婦之  
稟受弱者憂悶多者性躁

丹溪治  
下部不  
通每用  
吐法

急者食味厚者多有之古方用滑利藥鮮效因思胞不自轉  
為胎所壓胎若舉起胞系自疏水道自通矣近吳宅寵人患  
此脉似瀆重則弦予曰此得之憂患瀆為血少氣多弦為有  
飲血少則胎弱不能舉氣多有飲中焦不清而溢則胎知所  
避而就下乃以上藥與服隨以指探喉中吐出藥汁候氣定  
又與之八貼而安此恐偶中後治數人皆效仲景云婦人本  
肥盛今反羸瘦胞系了戾但利小便則愈宜服  
腎氣丸以中有茯苓故也地黃為君功在補胞

又法將孕婦倒豎胎轉而小便自通矣  
附丹溪參朮膏人參 二錢 白朮 二錢 黃耆 錢 茯苓 陳皮 桃仁 各

錢 炙甘草 五分 用猪羊胞煮湯入藥煎服治產後胞損成淋瀝

症 丹溪曰收生不謹以致損胞而得淋瀝有徐氏婦壯年患  
此因思肌肉破傷在外者且可補完胞雖在內恐亦可治  
診其脉虛甚因悟曰難產之人多是氣虛難產之後血氣尤  
虛因用峻補以參朮膏煎以猪羊胞極飢時與之每劑一兩

一月而安，蓋令血氣驟長，其胞可完，若稍遲緩，恐難成功。

行血下胎

黑神散

局方

治產後惡露不盡，攻衝作痛，及胞衣不下，胎死腹中。

由血滯，中不行也。

熟地黃

歸尾

赤芍

蒲黃

桂心

乾薑

甘草

四兩

豆炒去皮

每服二錢，酒童便各半煎，便產須知有生地黃。

此足太陰厥陰藥也。前症皆因血瘀不行，熟地歸芍之潤以

濡血，蒲黃黑豆之滑以行血。

昂按行血則蒲黃當生用。

桂心乾薑之熱以

破血

乾薑辛熱能去惡生新，故產後發熱必用之。

用芍州者，緩其正氣，用童便者

散其瘀逆，加酒者，引入血分，以助藥力也。

產後惡露不行，半

味從輕治之，若挾宿冷氣滯，血凝胞胎不下，則宜全用快行之也。綱目曰：寒多及秋冬宜之。若性急形瘦，有火及夏月當審用此丹。溪之論。

古黑神散：百艸霜白芷等分，每二錢煎入童便醋少許和服。

治橫生逆產及胎前產後虛損崩漏等症。

失笑散

局方

治惡露不行，心包絡痛，或死血腹痛。

惡血阻而不行，上衝于包

絡下阻于腹中，皆悶而作痛。

蒲黃

五靈脂

等分為末，煎膏醋調服。

此手足厥陰藥也。生蒲黃性滑而行血，五靈脂氣臊而散血，入肝皆能入厥陰而活血止痛，故治血痛如神。

血痛

本方各一兩加木通赤芍各五錢每四錢入鹽少許服名通靈散治九種心痛

產後昏暈

清魂散嚴氏

治產後惡露已盡忽昏暈不知人

產後氣血虛弱又感風邪也

澤蘭葉

人參

三分川芎

五分荆芥

一錢甘州

炙三分

為末溫酒調

下更宜燒漆器焙醋炭于床前使聞其氣

此足厥陰藥也氣血虛弱故以芎藭澤蘭生其血人參甘州

補其氣外感風邪故以荆芥疏其風風邪去氣血生則神清

矣肝藏魂故曰清魂

荆芥最散血中之風故以為君

返魂丹

即益母州膏丸產寶

治月經不調赤白帶下胎前產後一切諸

調經利產

病

五月五日六月六日或小暑日益母草花正開時連根采收

陰乾用花葉及子石臼搗末蜜丸或搗汁于砂鍋內文武火

熬成膏服忌鐵如胎動腹痛下血不止當歸湯下橫生逆產

胎衣不下炒鹽湯下產後血暈口渴狂言產後中風失音口

噤及血結奔痛時發寒熱面赤心煩或鼻衄舌黑口乾並童

便和酒下產後喘嗽惡心吐酸脇痛無力酒下產後瀉血聚

湯下產後痢疾米湯下產後崩漏糯米湯下產後帶下膠艾

湯下產後二便不通煩躁口苦薄荷湯下凡產後以童便化

下二丸能安魂魄調經絡破血痛經不調者服之則調久無子者服之則孕

此手足厥陰藥也益母草功擅消水行血去瘀生新利大小便故為經產良藥而又能消疔腫散乳癰也益母草一名芫蔚李時珍曰益母草根莖花葉實皆可用若治血分風熱明目調經用子為良若胎產瘡腫消水行血則可並用蓋根莖花葉益于行子則行中有補也

瘵勞

當歸羊肉湯 治產後發熱自汗肢體疼痛名曰瘵勞

黃耆一人 當歸七錢 生薑五錢 用羊肉一斤煮汁去肉入前藥煎服如惡露不盡加桂辛熱行血 惡露下多加川芎有寒加

吳茱萸有熱加生地汁有氣加細辛

此手足太陰厥陰藥也參耆補氣而固衛當歸養血而調榮生薑辛溫引氣藥入氣分而生新血羊肉甘熱用氣血之屬以補虛勞熱退而汗收矣

本方除入參黃耆用羊肉一斤薑五兩歸三兩名當歸生薑羊肉湯

治產後腹中疔痛及寒疝腹痛虛勞不足疔音鳩又音絞急痛也

當歸散金匱 婦人妊娠宜常服之婦人血少者有熱胎動不安及數半產難產者並宜服之胎

無疾苦臨盆易產產後百病悉皆主之

當歸 芎藭 芍藥 黃芩一斤 白朮半斤 為末酒調服日二

醫方集解 產 當歸羊肉湯 當歸散

養血安胎

此足太陰厥陰衝任藥也衝任血盛則能養胎而胎安芎歸芍藥能養血而益衝任又懷妊宜清熱涼血血不安行則胎安黃芩養陰退陽能除胃熱白朮補脾燥濕亦除胃熱胎氣係于脾胃虛則帶無所附故易落脾胃健則能運化精微取汁為血以養胎自無惡阻嘔逆之患矣故丹溪以黃芩白朮為安胎聖藥也

易簡方加山茱萸治經三四月不行或一月再至數月不行者血少也滋之以芎歸芍藥補之以白朮山茱萸一月再至者脾虛有熱也白朮能補脾黃芩能涼血山茱萸能固經

孕體肥不

啓宮丸 治子宮脂滿不能孕育婦人肥盛不孕者以子宮脂滿壅塞故不受胎也

芎藭 白朮 半夏麩 香附一兩 棗苓 神麩五錢 橘紅 甘

艸二 錢 粥丸

此足太陰厥陰藥也橘半白朮燥濕以除其痰香附神麩理氣以消其滯川芎散鬱以活其血則壅者通塞者啓矣茯苓甘艸亦以去濕和中助其生氣也肥而不孕多由痰盛故以二陳為君而加氣血藥也

易產

達生散 亦名束胎 婦人妊娠八九月服數十劑易生有力詩云

誕彌厥月先生如達達小羊也其生甚易產難多因氣血虛弱榮衛滯澁服此則易生如達矣

當歸酒洗 芍藥酒炒 人參 白朮土炒 陳皮 紫蘓一錢 甘草炙二錢 大

腹皮三錢 入青蔥五葉黃楊腦子七箇煎黃楊木主產難 或加枳殼

砂仁或春加川芎夏加黃芩冬如本方或有別症以意消息

此足太陰厥陰藥也當歸芍藥以益其血人參白朮以益其氣腹皮陳皮紫蘇蔥葉以疏其壅氣血不虛不滯則臨產自

無留難之患矣

朱丹溪曰產難往往見于鬱悶安樂之人富貴奉養之家若貧賤者鮮有之古方有瘦胎

飲為湖陽公主而作恐非至到之言予族妹苦于難產遇胎則觸而去之予甚憫焉視其形肥而勤于女工知其氣血久坐不運男因母氣虛亦不能自運耳當補母氣則兒健易產今其有孕五六月以十全良方紫蘇飲加補氣藥與之數十貼得男甚快因以其方隨母之性稟與時令加減服無不應因名曰達生散云○昔湖陽公主難產方士進瘦胎飲用枳殼四兩炒甘州二兩炙五月後日服一錢潔古改以枳朮名束胎丸寇宗奭明其不然蓋孕婦全賴血氣以養胎血氣充實胎乃易生彼公主奉養太過氣實有餘故可服之若一藥濫施誤之甚矣按瘦胎飲又名枳殼散治胎肥難產臨月服之張氏加香附行氣寬膈薑湯下許學士云大率妊娠惟在抑陽助陰其方甚多亦惡羣隊枳殼散所以抑陽四物湯所

通乳

猪蹄湯

靈苑

治乳少

以養陰然枳殼散差寒宜以內補丸佐之即當歸一兩地黃二兩為丸也

猪蹄一隻通草一兩

即水通

煮食

此足陽明藥也猪蹄鹹能潤下通草淡能通竅

廣濟方用猪蹄四隻煮汁加土瓜根漏盧木通各三兩

土瓜漏盧

並通經下乳

着少米蔥豉煮稀粥食治同或以猪蹄湯調益元散

服以木梳梳乳房乳汁自下

又穿山甲王不留行皆通乳之藥俗曰穿山甲王不留婦人服

之乳長流

人參荆芥散

婦寶

治血風勞

血風勞者血脉空疎感受風邪寒熱盜汗展轉不己乃成勞也

醫方集解 產

猪蹄湯

人參荆芥散

百六



人參 白朮 熟地黃 酸棗仁炒 鱉甲童便 羚羊角 枳

殼 柴胡 荆芥五分 防風 甘州炙 芎藭 當歸 桂心三分

加薑煎

此足太陰厥陰手少陰藥也陳來章曰血中之風荆芥防風散之木盛生風羚羊柴胡平之陰虛發熱地黃鱉甲滋之血氣痛滯月水不調芎藭當歸桂心枳殼調之煩忌食少盜汗心中人參白朮炙草棗仁補而收之

血少經閉

柏子仁丸良方

治經行復止血少神衰

女子善懷每多憂思憂多則傷心傷則不能生子而血少血少則肝無所藏而衝任之脉枯故經閉不行也○經日月事不來者胞脉閉也胞脉者屬心而絡于胞中

今氣上逼肺心氣不得下降故月事不來也

柏子仁去油 牛膝酒浸 卷栢五錢 澤蘭 續斷二兩 熟地黃一兩 蜜丸

米飲下

此手足少陰厥陰藥也柏子仁安神而養心地黃續斷牛膝

補肝腎而益衝任卷栢澤蘭活血脉而通經閉卷栢生用破血多用止血

李挺曰婦人以血為主天真氣降血脉流行一月一見其來有常故日月經或外被風寒燥濕暑熱或內傷生冷或七情鬱結為痰為瘀凝滯于內曰血滯或用力太過入房太甚或服食燥熱以致火動邪氣盛而津液衰曰血枯若經後被驚血氣錯亂而妄行逆上則出于口鼻水血相搏則為水腫怒極傷肝則有眩暈嘔血瘰癧瘡瘍等病濕熱相搏則為崩帶凝結于內則為癥瘕變症百出不出血滯與血枯而已血滯經閉宜破者原因飲食熱毒或暴怒凝瘀積痰直須大黃乾

痰阻經

漆之類推陳致新俾舊血消而新血生也若氣旺血枯起于勞役憂思却宜溫補或兼痰火濕熱尤宜清之涼之每以肉桂為佐者熱則血行也但不可純用峻藥以虧陰道至于耗氣益血之說雖女科要法但氣為血配氣熱則熱氣寒則寒氣升則升氣降則降氣行則行氣滯則滯如果鬱火氣盛于血者方可用單香附散抑氣散加木香檳榔枳殼行氣開鬱若氣亂則調氣冷則溫氣虛則補男女一般陽生則陰自長氣耗則血亦涸豈可專耗其氣哉

芎歸六君子湯

治經水後期其來澹少形體肥盛

體肥而經水後期澹

少者氣虛而痰滯于經絡也

當歸 芎藭 人參 白朮 茯苓 甘草 橘紅 半夏

加薑煎

此足太陰厥陰藥也二陳治其痰滯參朮補其氣虛

氣行則痰行

熱鬱經

芎歸活其經血

連附四物湯

治經水過則紫黑成塊

紫血熱也黑熱甚也過期而成塊氣滯也

或風冷乘之也若淡白者虛也或挾痰停水以混之也如烟塵豆汁屋漏水混濁糝糊者濕痰也

四物湯 見血部 加香附黃連

此手少陽手足厥陰藥也四物以益陰養血加黃連以清血

熱香附以行氣鬱

四物加芩朮湯

亦名溫六合湯

治經水過多

黃芩抑陽白朮補脾脾能統血

四物加

芩連湯治經水適斷五心煩熱經來色黑或如豆汁

或如豆汁熱兼

濕也芩連苦燥濕而寒勝熱

四物加梔連為熱六合湯加薑附為寒六合

湯加陳朴為氣六合湯加羌朮為風六合湯皆婦病與經產通用之藥也

血熱崩漏

固經丸

良方

治經行不止及崩中漏下紫黑成塊

衝任為經脈之海若無損

傷則陰陽和平血氣調適矣若勞動過度損傷藏府衝任之氣虛不能約制經血故經多暴下或由陰虛陽搏為熱所乘攻傷衝任血得熱則妄行也脈數疾小為順大者為逆紫黑成塊者熱甚而反兼水化非寒也玉機微義曰血得寒則凝既行而紫黑故知非寒也

酒丸

多四兩

芍藥酒炒黃柏酒炒黃芩炒二兩香附童便浸炒樗皮炒兩半

此足少陰厥陰藥也經多不止者陰氣不足以制胞絡之火

勞傷崩漏

升陽舉經湯

東垣

治崩漏身熱自汗短氣倦怠懶食

此由勞傷所致

故越其常度也崩中漏下者虛而挾熱也紫黑成塊者火極似水也黃芩清上焦之火黃柏瀉下焦之火龜板芍藥滋陰而養血皆壯水以制陽光也香附辛以散鬱樗皮瀝以止脫升陽舉經湯補中益氣湯見氣門加白芍黑梔子薑三片棗二枚煎此足太陰陽明藥也補中湯以益氣升陽退熱收汗加芍藥以和血斂陰黑梔以清熱止血

又東垣蘭室秘藏升陽舉經湯黃耆當歸白朮各三錢羌活防風藁本各二錢獨活附子炮甘草炙各錢半人參熟地川芎各一錢細

辛六分桃仁十箇去皮尖研紅花肉桂盛夏勿用芍藥各五分每服二錢漸加

至五錢治經水不止原文曰如右尺脈按之空虛是氣血俱脫太寒之症輕手其脈數疾舉指弦緊

或澁皆陽脫之症陰火亦亡見熱症于口鼻眼或渴此皆陰躁陽欲先亡也當溫之舉之升之燥之當大升浮氣血切補

命門之下脫也

止崩漏 如聖散 治崩漏不止凡非時血行淋瀝不已謂之漏下忽然暴下如山崩然謂之崩中有五色以應

五藏

櫻櫚燒烏梅一兩黑薑兩半為末每服二錢烏梅湯下

此足厥陰藥也瀉能止血故用櫻櫚酸能收斂故用烏梅溫

能守中故用乾薑黑能止血水勝火也故並煨用

血痕

牡丹皮散良方治血痕痕者瘀血凝聚而成也伏于隱僻之處盤結膠固非攻伐之不易平也

丹皮 桂心 歸尾 延胡索三分牛膝 赤芍藥 莪茂六分

三稜四分水酒各半煎

此足厥陰藥也桂心丹皮赤芍牛膝以行其血三稜莪茂歸

尾延胡以行其血中氣滯氣中血滯氣血週流則結者散矣

氣滯經阻

正氣天香散細珠治一切諸氣氣上蹙心胸攻築脇肋刺痛

月水不調婦人多憂鬱故氣病為多氣為血配氣滯則血亦不能行故月候不調也

香附八錢烏藥二錢陳皮 蘼葉一錢乾薑五分每五六錢煎

此手太陰足厥陰藥也烏藥陳皮入氣分而理氣香附紫

如聖散牡丹皮散正氣天香散

氣盛于血

蘓能入血分而行氣引以乾薑使入氣分兼入血分用諸辛溫以解鬱散肝令氣調而血和則經行有常自無痛壅之患

抑氣散

治婦人氣盛于血變生諸症頭暈膈滿凡人血氣和平則無

諸疾苟血少氣多壅于胸膈則滿上攻于頭則暈矣

香附四兩 陳皮二兩 枳神 甘艸炙一兩 為末每服二錢

此手太陰少陽藥也經曰高者抑之香附能散鬱氣陳皮能調諸氣枳神能安心氣甘草能緩逆氣氣得其平則無亢害之患矣若鬱甚者當于理氣門中諸方選用不必泥此昂按氣盛于血固當抑氣若過用行氣之藥則真氣耗散陰火愈盛而成氣血兩虛矣是方平和為可常用或用滋血之藥使陰血

濕熱帶下

充足而陽火自平亦正治之一法益補其不足即所以制其有餘也

固下丸

治赤白帶下

帶下起于風寒濕熱所傷入于胞中或中經脈流入藏府陰虛陽竭榮氣

不升衛氣下陷滯于下焦奇經之分因帶脈而得名故曰帶赤者屬血白者屬氣其狀如涕相連而下言帶者亦病形也有濕熱流滯下焦者有肝腎陰淫濕勝者有驚恐而木乘土位濁液下流者或思想無窮而為白淫者或餘經濕熱屈滯于小腹之下者病本雖殊皆為氣血虛損榮衛累滯而成其標則一也

檮皮兩半 白芍五錢 良薑煨黑 黃柏三錢 粥丸米飲下

此足少陰厥陰藥也陳來章曰檮皮苦燥濕寒勝熱潛固下故赤白帶因于濕熱者用之為君古方有蒼柏檮皮側柏檮皮芩柏檮皮芩木檮皮等丸隨症加香芎歸芍 芍藥之酸斂陰氣收下溜為臣良薑之

熱以散寒濕黃柏之寒以祛熱濕並炒黑以止血收脫為佐使也

虛熱帶下

當歸煎丸嚴

治赤白帶下腹中痛不飲食羸瘦

此血虛有熱之症法當涼

補脉訣云崩中日久為白帶漏下多時骨本枯言崩久則血少復入其陽故白滑之物下漏不止

當歸 熟地黄 阿膠炒 續斷 白芍藥炒 赤芍藥炒 牡蠣

煨粉 地榆炒黑 醋糊丸米飲下

此足少陰厥陰藥也歸芍熟地續斷阿膠補肝滋腎以治血虛牡蠣地榆清熱收脫以止帶下赤芍酸寒能散惡血去瘀所以生新散之亦以收之也

風濕帶下

白芷散良方

治赤白帶滑脫不禁

良方曰帶下由于風寒濕熱所傷傷肝經者色青如泥傷

心經者色赤如津傷肺經者色白如涕傷脾經者黃如爛瓜傷腎經者黑如衄血

白芷一兩 海螵蛸二箇 胎髮一錢 為末酒調下二錢

此足陽明少陰厥陰藥也白芷辛溫燥濕而祛風烏鰂即海螵蛸鹹溫收濕而和血髮者血之餘補陰消瘀煨黑又能止血也

醫方集解卷下附餘之一

救急良方

人之以疾病死而得終其天年者雖不幸猶幸也乃有暴橫之遭大如縊溺砒蠱蛇犬之傷小如骨哽刀斧湯火之害坐視其轉死而莫之能救者多矣茲取簡便良方以備緩急倘用此而救活一命于人心獨無校乎

暴死

凡人涎潮于心卒然倒仆急扶入暖室扶策正坐用火炭沃醋使醋氣衝入病人鼻中良久自甦或搗韭菜汁灌鼻中或用皂角末吹入鼻中得嚏則醒倉卒無藥急于人中穴及兩足大拇指離甲一韭葉許各灸三五壯即活凡人卒然昏倒身冷無痰此名氣厥亦名中氣若身溫有痰者則名中風但扶正坐氣

順卽安或用皂角末吹鼻令嚏亦佳 凡冬月中寒卒倒身  
強口噤手足厥冷如無醫藥當濃煎薑湯灌之 凍死有氣  
者以灰炒熱盛囊中熨其心頭冷卽易之若遽以火烘冷與  
火爭必死浴以熱湯亦死或用薑汁熱酒各半溫服 凡暑  
月道中中熱卒死以路上熱土圍臍令入尿其中卽活薑湯  
童便乘熱皆可灌之或用熱土大蒜等分搗水灌之或置日  
中或令近火以熱湯灌之卽活切勿飲以冷水及臥冷地正  
如凍死人若遽近火卽死  
縊死急用手裏衣物緊塞穀道抱起解繩安放正平揪髮向

上揉其項痕捻圓喉管脚踏兩肩以兩管吹氣入耳內或刺  
雞冠熱血滴口中男用雌女用雄鼻卽氣轉或再屈伸其手  
足將手摩之若氣不接將腰打三四拳或以皂角末搗鼻切  
不可割斷繩索雖且至暮身冷猶可活

溺死 急倒提出水用牛一頭令橫臥以腹合牛背上牽牛徐  
行令吐出腹中之水以老薑擦牙卽活口噤者攪開橫一筋  
于牙間使水得出如無牛以鍋覆地將溺人臍對鍋臍俯臥  
以手托其頭水出卽活或俯臥椀上脚後稍高蘸鹽擦臍中  
待其水自流出或用皂角末綿裹納下部出水卽活切忌火



烘逼寒入內不救

魘死 如原有燈即得切忌火照但痛咬其脚跟或咬大指拇而唾其面或以皂角末吹入鼻中得嚏即醒

中毒 凡中蠱毒令嘗白礬不瀆食黑豆不腥即是中毒可濃煎石榴皮汁飲之或熱茶化胆礬半錢探吐出惡毒或米飲調鬱金末三錢令下 凡中砒霜毒急飲以人溺及人糞汁或搗烏柏樹根葉汁或藍汁令服或刺羊血熱服或取生螺研冷水服 中鹽鹵毒縱飲生豆腐漿解之 中諸菌草毒及虫蜈入腹黃土和水飲下之 綠豆湯甘草湯能解百毒

服鉛粉 以麻油調蜂蜜加飴糖與服

蛇蟲犬咬傷 凡惡蛇傷急于傷處上下紫縛使毒不散走隨浸糞缸內食蒜飲酒令飽使毒不攻心或礬石甘艸等分冷水服二三錢更搗蒜敷患處加艾圓炙之此法兼治百虫毒螫又方五靈脂一兩雄黃五錢酒調服滓敷患處又方貝母為末酒調盡醉飲之頃久酒自傷處為水流出血盡以藥渣敷瘡上垂死可活 凡蜈蚣傷取大蜘蛛放傷處吸去其毒即投蜘蛛于水中令吐毒以全其命又方生雞血傳之又法鹽水洗淨雞涎或糞塗之 壁虎咬用桑柴灰水煎數沸

醫方集解 救急 魘死中毒 服鉛粉 蛇虫咬傷 百十五

慮濃汁調白礬末塗之 蝎子螫用白礬半夏等分醋調塗

外臺曰凡遇一切毒螫之物不得起惡念向之亦不得殺之若輒殺之後必遭螫慎之 凡瘋狗咬

傷急用番木鱉半個碎切斑蝥七個去頭翅足若過一日加

一個糯米一撮慢火炒脆去斑蝥取米研末好酒調服取下

惡物多日凶者頭上有紅髮三根拔去之若仍凶腹內有狗

聲者再加木鱉一個用斑蝥廿一枚如前製法與服後以黃

連甘草湯解之三月不可聽鑼鼓聲再發則難治終身不得

食羊犬肉稍輕者急于無風處捏去惡血孔乾者針刺出血

用小便或鹽湯洗淨搗葱貼上若常犬咬者洗淨血水用虎

骨煨研敷患處或爛嚼杏仁傳之

湯泡傷 雞子清調大黃末塗之炒黃柏末亦可一法以冷燒

酒澆淋甚妙

刀斧傷 割海螵蛸末傳之血立止古壙石灰為末傳之亦佳

金瘡血出不止用原蚕蛾炒為末敷之

骨哽 凡魚骨哽食橄欖即下如無鮮者用橄欖核磨水飲之

橄欖木作舟楫魚觸着即死物之相畏有如此者 又猫涎亦能下魚骨哽 凡雞骨

哽用野苧根搗爛如龍眼大雞湯化下如魚骨哽魚湯化下

諸骨哽用犬帛一足取其涎徐徐嚥下或用礪砂井花水

洗化下或醋煎威靈仙嚥下或加砂糖或雞冠子煎湯嚥下凡治

法可以類推如鸕鶿獺掌治魚哽磁石治針哽髮灰治髮哽虎犬治骨哽亦各從其類也

誤吞銅鐵金銀但多食肥肉自隨大便而出吞針者煮蚕豆

同菲菜食針與菜自從大便出誤吞銅者食葶藶菰即化

吞髮繞喉不出取自亂髮燒灰白湯調下一錢

頰車開不能合醉之睡中用皂角末吹其鼻嚏透自合

呃逆不止用紙燃刺鼻中得嚏即止

舌脹滿口刺雞冠血浸紙燃蘸草麻油燃薰又法以生蒲黃

塗之或加乾薑末

乳蛾喉痺凡乳蛾水漿不入者先用皂角末點破再取杜牛

膝汁和醋含嚥一法艾葉搗汁口含良久腫自消冬月無葉

掘根用之又喉閉者取山荳根汁含嚥即開有藥不能進者

急取病人兩臂捋數十次使血聚大指上以髮繩扎住指拇

針刺指甲縫邊出血如放沙一般左右手皆然其喉即寬

霍亂絞腸痧以針刺其手指近甲處一分半許出血即安仍

先自兩臂捋下令惡血聚于指頭後刺之

鼻衄不止亂髮燒灰存性細研水服併吹入鼻中又白芨末

新汲水調下又紙數十層水浸濕安頂中以火熨之紙乾立

刺指甲  
乃少商  
并穴

救急

乳蛾喉痺

霍亂絞腸痧

鼻衄不止

百十六

止又用線扎中指中節左孔出血扎左指右孔出血扎右指  
兩孔出血則俱扎之又以太蒜搗餅貼足心

虫入耳中 用猫尿滴耳中虫即出 以生薑擦猫鼻猫即尿

跌打損傷 韭汁和童便飲散其瘀血骨折者蜜和葱白搗勻

厚封酒調白芨末二錢服

產婦血暈 扶坐燒炭沃醋或燒舊漆器令烟入其口鼻即甦

產後子腸不收 醋三分冷水七分和喫產婦面一喫一縮三

喫即收又法以單麻子十四粒去殼搗膏塗頂心即收收即

去之又法皂角末吹鼻中噓作立上

醫方集解卷下附餘之二

勿藥玄詮 人之有生備五官百骸之軀具聖知中和之德

所係非細也不加棟樑恣其成傷使中道而天  
橫負天地之賦與稟父母之生成不祥孰大焉故內經曰  
聖人不治已病治未病夫病已成而後藥之譬猶渴而穿  
井闢而鑄兵不亦晚乎茲取養生家言淺近易行者聊錄  
數則以聽信士之修持又將飲食起居之禁忌撮其大要  
以為為縱恣者之防範使人知謹疾而却病不猶勝于修藥而求醫也乎

內經上古天真論曰上古之人法于陰陽和于術數 保生之法 食飲

有節起居有時不妄作勞故能形與神俱而終盡其天年度

百歲乃去今時之人不然也以酒為漿以妄為常醉以入房

以欲竭其精以耗損其真不知持滿 恐傾之意 不時御神務快于

心逆于生樂起居無節故半百而衰也夫上古聖人之教下也虛邪賊風避之有時恬淡虛無真氣從之精神內守病安從來

調息 調息一法貫徹三教大之可以入道小用亦可養生故迦文垂教以視鼻端白數出入息為止觀初門莊子南華經曰至人之息以踵大易隨卦曰君子以嚮晦入宴息王龍溪曰古之至人有息無睡故曰嚮晦入宴息宴息之法當向晦時耳無聞目無見四體無動心無思慮如種火相似先天元神元氣停育相抱真意綿綿老子曰綿綿若存開闔自然與虛空同

體故能與虛空同壽也世人終日營擾精神困憊夜間靠此一睡始穀一日之用一點靈光盡為後天濁氣所掩是謂陽陷于陰也

調息之法不拘時候隨便而坐平直其身縱任其體不倚不曲解衣緩帶腰帶不寬則上下氣不流通務令調適口中舌攪數遍微微呵出濁氣不得有聲鼻中微微納之或三五遍或一二遍有津嚥下叩齒數通舌抵上腭唇齒相着兩目垂簾令朧朧然漸次調息不喘不粗或數息出或數息入從一至十從十至百攝心在數勿令散亂如心息相依雜念不生則止勿數任其自然

坐久愈妙若欲起身須徐徐舒放手足勿得遽起能勤行之  
 靜中光景種種奇特直可明心悟道不但養身全生而已也  
 息有四相呼吸有聲者風也守風則散雖無聲而鼻中滯  
 滯者喘也守喘則結不聲不滯而往來有形者氣也守氣則  
 勞不聲不滯出入綿綿若存若亡神氣相依是息相也息調  
 則心定真氣往來自能奪天地之造化息息歸根命之蒂也  
 蕪子瞻養生頌曰已饒方食未飽先止散步逍遙務令腹空當  
 腹空時即便入室不拘晝夜坐臥自便唯在攝身使如木偶  
 常自念言我今此身若少動搖如毫髮許便墮地獄如商君

數息

隨息

無息

法如孫武令事在必行有死無犯又用佛語及老聃語視鼻  
 端白數出入息綿綿若存用之不勤數至數百此心寂然此  
 身兀然與虛空等不煩禁制自然不動數至數千或不能數  
 則有一法強名曰隨與息俱出復與俱入隨之不已一旦自  
 住不出不入忽覺此息從毛竅中八萬四千雲蒸雨散無始  
 以來諸病自除諸障自滅自然明悟定能生慧譬如盲人忽然有  
 眼此時何用求人指路是故老人言盡于此

小週天 先要止念身心澄定面東跏坐平坐亦可但前膝不可低腎子不可着物  
 呼吸和平用三昧印指無名指右掌加左掌上按于臍下叩齒三十六通

以集身神赤龍攬海內外三十六遍

赤龍舌也內外齒內外也 雙目隨舌

轉運舌抵上腭靜心數息三百六十週天畢待神水滿漱津

數遍用四字訣

撮抵閉吸也撮提穀道舌抵上腭目閉上視鼻吸莫呼

從任脉撮過穀

道到尾閭以意運送徐徐上來脊中關漸漸速些閉目上視

鼻吸莫呼撞過玉枕

頸後骨

將目往前一忍直轉崑崙頂倒下

鵲橋

舌也

分津送下重樓入離宮

心也

而至氣海

坎宮丹田

畧定一定

復用前法連行三次口中之津分三次嚥下所謂天河水逆

流也靜坐片時將手左右擦丹田一百八下連臍抱住放手

時將衣被圍住臍輪勿令風入

古云養得丹田煖煖熱此是神仙真妙訣

次將大

指背擦熱拭目十四遍去心火擦鼻三十六遍潤肺擦耳十

四遍補腎擦面十四遍健脾雙手掩耳鳴天鼓徐徐將手往

上即朝天揖如此者三徐徐呵出濁氣四五口收清氣雙手

抱肩移筋換骨數遍擦玉枕關二十四下擦腰眼一百八下

擦足心各一百八下

道經六字訣呵呼咽嚥吹嘻 每日自子至巳為六陽時面東

靜坐不必閉窓亦勿令風入叩齒三十六通舌攪口中候水

滿時漱鍊數遍分三口咽嚥下以意送至丹田微微噉口

念呵字呵出心中濁氣念時不得有聲反損心氣即閉口鼻

吸清氣以補心吸時亦不得聞吸聲但呵出令短吸入令長  
如此六次再念呼字六遍以治脾再念咽字六遍以治肺再  
念噓字六遍以治肝再念嘻字六遍以治三焦客熱再念吹  
字六遍以治腎並如前法謂之三十六小週天也

詩曰春噓明目木扶

肝夏至呵心火自閉秋咽定收金氣潤冬吹惟要坎中安三焦嬉却除煩熱四季長呼脾化食切忌出聲聞口耳其功尤勝保神丹

一秤金訣曰一吸便提氣氣歸臍一提便嚥水火相見不拘行  
住坐臥舌攪華池抵上腭候津生時漱而嚥下咽嚥有聲  
身之水皆鹹惟舌下華池之水甘淡又日嚥下咽嚥響百脉自調勻隨于鼻中吸清氣一口以

意目力同津送至臍下丹田畧存一存謂之一吸隨將下部  
輕輕如忍便狀以意目力從尾閭提起上來脊雙關透玉枕  
入泥丸腦宮謂之一呼周而復始久行精神強旺百病不生  
金丹秘訣曰一擦一堯左右換手九九之功真陽不走成亥二  
時陰旺陽衰之候一手堯外腎一手擦臍下左右換手各八  
十一半月精固久而彌佳  
李東垣曰夜半收心靜坐片時此生發週身元氣之大要也  
積神生氣積氣生精此自無而之有也鍊精化氣鍊氣化神鍊  
神還虛此自有而之無也



髮宜多梳面宜多擦目宜常運耳宜常彈閉耳彈腦名鳴天鼓舌宜抵腭

齒宜數叩津宜數嚥濁宜常呵背宜常暖胸宜常護腹宜常

摩穀道宜常撮肢節宜常揉足心宜常擦皮膚宜常乾沐浴

即擦摩也大小便宜閉口勿言

諸傷 久視傷血久臥傷氣久坐傷肉久立傷骨久行傷筋暴

喜傷陽暴怒傷肝窮思傷脾極憂傷心過悲傷肺多恐傷腎

善驚傷胆多食傷胃醉飽入房傷精竭力勞作傷中 春傷

于風夏為飧泄夏傷于暑秋為瘧瘧秋傷于濕冬必咳嗽冬

傷于寒春必病溫 夜寢語言大損元氣故聖人戒之

風寒傷 沐浴臨風則病腦風痛風飲酒向風則病酒風漏風

勞汗暑汗當風則病中風暑風夜露乘風則病寒熱臥起受

風則病痺厥 衣涼且冷則寒外侵飲冷食寒則寒內傷人

頭痛發熱即非房勞亦不應用涼藥

知有外傷寒而不知有內傷寒訛作陰症非也凡冷物不宜多食不獨房勞為然也周揚俊曰房勞未嘗不病陽症頭痛發熱是也但不可輕用涼藥耳若以曾犯房勞使用溫藥殺入多矣昂按諸書從未有發明及此者世醫皆罕知之周子此論可謂有功于世矣 早起露首跣足則病身熱頭痛納涼陰室則

病身熱惡寒多食凉水瓜果則病泄利腹痛夏走炎途貪涼

食冷則病瘧痢

濕傷 坐臥濕地則病痺厥瀉風衝風且雨則病身重身痛長

着汗衣則病麻木發黃勉强泚水則病脚氣攣痺飢餓燥浴則病骨節煩痛汗出見濕則病瘰癧瘰癧也音生平聲

飲食傷 經曰飲食自倍腸胃乃傷膏粱之變足也能生大方膏

梁之疾消痺痿厥飽食太甚筋脉橫解腸辟為痔飲食失節

損傷腸胃始病熱中末傳寒中 怒後勿食食後勿怒醉後

勿飲冷引入腎經則有飽食勿硬臥 飲酒過度則藏府受

傷肺因之而痰嗽脾因之而倦怠胃因之而嘔吐心因之而

昏狂肝因之而善怒胆因之而忘懼腎因之而燥精膀胱因

之而溺赤二腸因之而泄瀉甚則勞嗽失血消渴黃疸痔漏

癰疽為害無窮 鹹味能瀉腎水損真陰辛辣大熱之味皆

損元氣不宜多食

色慾傷 男子二八而天癸至女人二七而天癸至交合太早

斲喪天元乃殒之由男子八八而天癸絕女人七七而天癸

絕精血不生入房不禁是自促其壽筭 人身之血百骸貫

通及慾事作撮一身之血至于命門化精以泄人之受胎皆稟此命火以

有生故莊子曰火傳也不知其盡也夫精者神倚之如魚得水神必依物方有附麗故關尹子

日精無入也神無我也楞嚴氣依之如霧覆淵不知節蓄則

百脉枯槁交接無度必損腎元外雖不泄精已離宮定有真

精數點隨陽之痿而溢出如火之有烟燄豈能復返于薪哉

醫方集解卷下之終

*[Faint bleed-through text from the reverse side of the page, including characters like 醫方集解, 卷下, 終, 醫, 方, 集, 解, 卷, 下, 之, 終]*

浪華書林 吉野屋博文堂藏板

157

